

本草單方

三

本草單方卷八

延陵莊繼光欽之補

海虞繆希雍仲淳甫選

雲間康 宏文初甫全彙

延陵于舜玉執侯甫

黃疸

三十六黃 用雞子壹顆連殼燒灰研酢壹合和之溫服

鼻中蟲出爲效

外臺秘要

五種黃病黃疸穀疸酒疸女疸勞疸也黃汗者乃大汗出

入水所致身體微腫汗出如黃蘗汁用生茅根壹把

細切以猪肉壹斤合作羹食

肘後方

九黃有數種傷酒發黃誤食鼠糞亦作黃因勞發黃多痰涕目有赤脉益憔悴或面赤惡心者是也 用秦艽壹

大兩剉作兩帖每帖用酒半升浸絞取汁空腹服或稠

便止就中飲酒人易治屢用得效

崔元亮方

○又治黃病內

外皆黃小便赤心煩口乾者以秦艽叁兩牛乳壹大升

煮取柒合分溫再服此方出於許仁則又孫真人方加

芒硝陸錢

廣利方

五般急黃

山豆根末水服貳錢若帶蠱氣以酒下

備急方

穀疸勞疸穀疸因食而得勞疸因勞而得 用龍膽壹兩

苦參叁兩爲末牛膽汁和丸梧子大食前以麥飲或生

大麥苗汁服五九日參服不知稍增勞疸加龍膽壹兩

梔子仁參柴枚以猪膽和丸

刪繁方

治諸黃疸 樺皮濃煮汁飲之良

開寶方

又苦菜連花子研細貳錢水煎服日貳次良

汪穎方

又柞木皮燒灰末水服方寸匕日參

藏器方

又用梔子茵陳甘草香豉四物作湯飲

黃疸癢黃 並取瓜蒂丁香赤小豆各柒枚爲末吹豆許

入鼻少時黃水流出隔日一用瘥乃止

孟詵食療

黃疸如金 晴明時清晨勿令雞犬婦人見取東引桃根

細如筋若釵股者一握切細以水壹大升煎壹小升空

腹頓服後三五日其黃離離上如薄雲散開百日方平

復也黃散後可時時飲清酒壹盃則眼中易散否則散

遲忌食熱麪豬魚等物

必效方

又薏苡根煎湯頓服

黃疸睛黃小便赤 用生蔓菁子末熟水服方寸匕日叁

服 孫真人

又亂髮灰水服壹錢口叁次

肘後方

治諸黃利小便 大麥苗杵汁日日服又消酒毒暴熱酒

疸目黃

黃疸初起

柳枝煮濃汁半升頓服

外臺秘要

黃疸百藥不效

以驢頭肉同薑薑煮汁日服

張文仲方

急黃欲死者

雄雀屎湯化服之立甦

藏器方

食積黃疸

絲瓜連子燒存性爲末每服貳錢因麪得病

麪湯下因酒得病溫酒下連數服愈

易簡方

食勞黃病身目俱黃及發腫積痛

青礬半斤醋壹大盞

和勻瓦盆內煨乾爲度平胃散烏藥順氣散各半兩爲

末醋煮糊丸梧子大每酒或薑湯下貳叁拾丸不忌口

加鍋灰

濟急方

脾病黃腫

青礬四兩煨成赤珠子當歸四兩酒醇浸七

日焙百草霜叁兩爲末以浸藥酒打糊丸梧子大每服

五九至柒九溫水下一月後黃去立效○又方綠礬四

兩百草霜五倍子各壹兩木香壹錢爲末酒煮飛麩丸

梧子大每空心酒下五丸○又方平胃散青礬各貳兩

爲末醋糊丸米飲下或加烏沉湯四兩酒糊丸亦可活法

機要

脾勞黃病 針砂四兩醋炒七次乾漆燒存性貳錢香附

參錢平胃散五錢爲末蒸餅丸梧子大任湯使下摘玄方

男子酒疸 用茵陳蒿四根梔子柒箇大田螺壹箇連殼

搗爛以百沸白酒壹大盞衝汁飲之

又用田螺將水養數日去泥取出生搗爛入好酒內用布

帛濾過將汁飲之日參服效

壽域方

○永類鈴方用小

螺螄養去泥土日日煮食飲汁有效

治黃疸吐血田螺拾箇水漂去泥搗爛露一夜五更取清

服二三次血止即愈

怪症方

治酒積面黃腹脹

以猪項肉壹兩切如泥合甘遂末壹

錢作丸紙裏煨香食之酒下當利出酒布袋也

普濟方

酒疸黃疾心下懊痛足脛滿小便黃飲酒發赤黑黃斑由

大醉當風入水所致

黃耆貳兩木蘭壹兩爲末酒服

方寸匕日參服

肘後方

女勞黃疸因大熱大勞交接後入水所致身目俱黃發熱

惡寒小腹滿急小便難 用猪膏半斤亂髮雞子大參

枚和煎髮消藥卽成矣 用後方

女勞黃疸氣短聲沉 用女人月經和血衣燒灰酒服方

寸七一日再服三日瘥 必效方

房勞黃病體重不眠眼赤如朱心下塊起若瘕十死一生

宜烙舌下灸心俞關元貳七壯以婦人內衣燒灰酒

服貳錢 三十六黃方

女勞黃疸日晡發熱惡寒小腹急大便溏黑額黑 滑石

石膏等分研末大麥汁服方寸七日參小便大利愈腹

滿者難治 千金方



女勞黑疸仲景曰黃家日晡發熱反惡寒此爲女勞得之
膀胱急小腹滿身盡黃額上黑足下熱因作黑疸腹脹
如水大便黑時澹非水也腹滿者難治 消石礬石燒
等分爲末以大麥粥汁和服方寸七日參病隨大小便
去小便黃大便黑是其候也 金匱方

黑疸危疾 瓜蒌根壹斤搗汁陸合頓服隨有黃水從小
便出如不出再服 簡便方

濕熱黃疸 蟹燒存性研末酒糊丸梧子大每服五拾丸
白湯下日服壹次

又黃牛糞日乾爲末麴糊丸梧子大每食前白湯下柒拾

九
簡便方

熱結黃病 燈籠草搗汁服多效

又扁竹搗汁頓服壹升多年者日再服之

藥性論

火黃身熱午後却涼身有赤點或黑點者不可治宜烙手

足心背心百會下廉內服紫草湯 紫草吳藍壹兩木

香黃連壹兩水煎服 三十六黃方

時行發黃 竹葉五升切小麥柒升石膏叁兩水壹斗半

煮取柒升細服盡劑愈 肘後方

又用金色黃脚雌雞治如食法煮熟食之并飲汁令盡不

過再作亦可少下鹽豉 肘後方

又醋酒浸雞子一宿吞其白數枚

附後方

婦人黃疸經水不調房事觸犯所致

白礬黃蠟各半兩

陳橘皮參錢爲末化蠟九梧子大每服五拾丸以滋血

湯或調經湯下

濟陰方

癰黃如金好眠吐涎

茵陳蒿白鮮皮等分水貳鍾煎服

日貳服

三十六黃方

走精黃病面目俱黃多睡舌紫甚面裂若爪甲黑者死

用豉半兩牛脂壹兩煎過綿裹烙舌去黑皮一重濃煎

豉湯飲之

三十六黃方

好食茶葉面黃者

每日食榧子柒枚以愈爲度

簡便方

又川椒紅炒研末爲丸梧子大湯下

簡便方

張景聲十五歲患腹脹自黃衆藥不能治以問嗣伯嗣伯
曰此石坑竈極難療當取死人枕煮服之得大坑蟲頭
堅如石者五六升病卽瘥

嘈雜

嘈雜吐水 真橘皮去白爲末五更安五分於掌心舐之

卽睡三日必效反不真則不驗 怪症奇方

婦人嘈雜 皆血液淚汗變而爲痰或言是血嘈多以豬

血炒食而愈蓋以血導血歸原之意耳此固一說然亦有
有虻蟲作嘈雜者蟲得血腥則飽而伏也 時珍方

醋心吐水 檳榔四兩橘皮壹兩爲末每服方寸匕空心

生蜜湯下 梅師方

醋心上攻 用茱萸壹合水壹盃煎柒分頓服近有人心

如蜚破服此二十年不發也累用有效 兵部手集 ○又食已

吞酸胃氣虛冷者吳茱萸湯泡七次焙乾薑泡等分爲

末湯服壹錢

聖惠方

食物醋心

胡桃爛嚼以生薑湯下立止

適用方

又蘿蔔生嚼數片絕妙乾者熟者鹽淹者及人胃冷者皆

不效

時珍方

嘔逆酸水

羊屎拾枚酒貳合煎壹合頓服未定更服之

兵部
手集

檀子去惡心咽酸止酒痰黃水

藏器

泄瀉

老少滑瀉 白朮半斤黃土炒過山藥四兩炒爲末飯丸

量人大小米湯服或加人參參錢

集簡方

暴下洞泄歐陽公常得此病國醫不能治夫人買市人藥

壹帖進之而愈力叩其方 用車前子一味爲末米飲

服貳錢匕云此藥利道而不動氣水道利則清濁分而

穀藏自止矣

暴泄身冷自汗甚則欲嘔小便清脉微弱宜已寒丸治之

萆薢肉桂各貳錢半高良薑乾薑各參錢半爲末糊

丸梧子大每服參拾丸薑湯下

和劑局方

氣虛暴瀉日夜三二十行腹痛不止夏月路行備急最妙

用硫黃貳兩枯礬半兩研細水浸蒸餅丸梧子大朱

砂爲衣每服拾五丸至貳拾丸溫水鹽湯任下

秘寶方

驟然水瀉日夜不止欲死不拘男婦 用五月五日採苧

麻葉陰乾爲末每服貳錢冷水調下勿吃熱物令人悶

倒只吃冷物小兒半錢

護命方

腹脹忽瀉日夜不止諸藥不效此氣脫也 用益智子仁

貳兩濃煎飲之立愈

得效方

暴泄不止 神麴炒貳兩茱萸湯泡炒半兩爲末醋糊丸

梧子大每服五拾丸米飲下

百一選方